

ხელშეკრულება N1/183

სახელმწიფო შესყიდვის შესახებ
(ელექტრონული ტენდერი SPA200002326)

ქ. თბილისი

02 ოქტომბერი 2020 წ.

საქართველოს სახელმწიფო უსაფრთხოების სამსახურის სსიპ - საქართველოს ოპერატიულ-ტექნიკური სააგენტო (მის: ქ. თბილისი, ვაჟა-ფშაველას გამზ. N72, საბანკო რეკვიზიტები: სახელმწიფო ხაზინა, კოდი - TRESGE22, საიდ. კოდი - 205339141), შემდგომში წოდებული „შემსყიდველად“, წარმოდგენილი სააგენტოს უფროსის პირველი მოადგილის ბაკური ელისაშვილის სახით და

მიმწოდებელი: შ.პ.ს. „ჯეო ტეჩი“; საიდენტიფიკაციო კოდი: 425359989

იურ. მისამართი: ქ. თბილისი, აღმაშენებლის ხეივანი, №95, არასაცხოვრებელი ფართი №01

ტელ: 591505054

დირექტორი: შალვა ასლამაზაშვილი

საბანკო რეკვიზიტები: ს.ს. „პროგრედიტ ბანკი“; ბ/კ: MIBGGE22; ა/ა: GE16PC0133600100062021

ორივე ერთად აღიარებული, როგორც „მხარეები“, ვმოქმედებთ რა საქართველოს კანონმდებლობის და „სახელმწიფო შესყიდვების შესახებ“ საქართველოს კანონის საფუძველზე, ვდებთ წინამდებარე ხელშეკრულებას:

1. გამოყენებული ტერმინების განმარტება

ხელშეკრულებაში გამოყენებულ ტერმინებს აქვთ შემდეგი მნიშვნელობა:

- 1.1. „ხელშეკრულება“ - შემსყიდველსა და მიმწოდებელს შორის დადებული ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით და ასევე მთელი დოკუმენტაციით, რომლებზეც ხელშეკრულებაში არის მინიშნებები.
- 1.2. „ხელშეკრულების ღირებულება“ - საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ - კალენდარული დღე, კვირა, თვე.
- 1.4. „შემსყიდველი“ - ორგანიზაცია, რომელიც ახორციელებს შესყიდვას.
- 1.5. „მიმწოდებელი“ - პირი, რომელიც ახორციელებს საქონლის მიწოდებას ამ ხელშეკრულების ფარგლებში.
- 1.6. „საქონელი“ - წინამდებარე ხელშეკრულების მე-2 მუხლით გათვალისწინებული ხელშეკრულების საგანი.
- 1.7. „ტექნიკური დოკუმენტაცია“ - მიმწოდებლის მიერ SPA200002326 ელექტრონულ ტენდერში სატენდერო წინადადებით წარმოდგენილი ტექნიკური დოკუმენტაცია, რომელიც ერთვის ხელშეკრულებას, როგორც მისი განუყოფელი ნაწილი.

2. ხელშეკრულების საგანი

- 2.1. წინამდებარე ხელშეკრულების დანართი N1-ით განსაზღვრული კომპიუტერული ტექნიკისა და აქსესუარების შესყიდვა (CPV- 30200000);
- 2.2. ხელშეკრულების დანართი N1-ით განსაზღვრულია შესასყიდი საქონლის დასახელება, ტექნიკური მახასიათებლები, CPV-კოდი, განზომილების ერთეული, რაოდენობა, ერთეულის ღირებულება, ჯამური ღირებულება, საგარანტიო ვადა, მიწოდების ვადა და მიწოდების ადგილი.

3. ხელშეკრულების ღირებულება

- 3.1. ხელშეკრულების ღირებულებაა - 18 199.00 (თვრამეტი ათას ას ოთხმოცდაცხრამეტი) ლარი.
- 3.2. ხელშეკრულების ღირებულება მოიცავს საქონლის ღირებულებას, წინამდებარე ხელშეკრულების შესრულებასთან დაკავშირებით მიმწოდებლის მიერ გაწეულ ყველა ხარჯს და საქართველოს კანონმდებლობით გათვალისწინებულ გადასახადებს.
- 3.3. წინამდებარე ხელშეკრულების პირობების, მათ შორის ფასის შეცვლა დაუშვებელია, თუ ამ ცვლილების შედეგად იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა, საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

4. მხარეთა ვალდებულებები

4.1. მიმწოდებელი ვალდებულია:

- ა) უზრუნველყოს წინამდებარე ხელშეკრულებით გათვალისწინებული საქონლის მიწოდება ხელშეკრულების დანართ N1- ში მითითებულ ვადებში და ადგილზე;
- ბ) გადასცეს შემსყიდველს უფლებრივად და ნივთობრივად უნაკლო საქონელი;
- გ) ხელი შეუწყოს შემსყიდველს ხელშეკრულების პირობების შესრულების კონტროლის განხორციელებაში, განიხილოს შემსყიდველის პრეტენზიები, მიაწოდოს მოტივირებული პასუხი ყველა საკითხზე და დაუყოვნებლივ უზრუნველყოს აღმოჩენილი ხარვეზის გამოსწორება;
- დ) განახორციელოს ამ ხელშეკრულებით მასზე დაკისრებული სხვა ვალდებულებები.

4.2. შემსყიდველი ვალდებულია:

- ა) უზრუნველყოს ხელშეკრულების შესრულების კონტროლი;
- ბ) განახორციელოს ამ ხელშეკრულებით მასზე დაკისრებული სხვა ვალდებულებები.

5. ხარისხი და გარანტია

- 5.1. მიწოდებული საქონლის ტექნიკური მახასიათებლები უნდა შეესაბამებოდეს ხელშეკრულების 2.2. პუნქტით განსაზღვრული დანართ N1-ში მითითებულ მაჩვენებლებს და ხარისხი - დადგენილ სტანდარტებს.
- 5.2. საქონელზე მოქმედებს საგარანტო ვადა N1 დანართის შესაბამისად.

6. ხელშეკრულების შესრულების კონტროლი და საქონლის მიღება-ჩაბარების წესი

- 6.1. შემსყიდველის მიერ მისაწოდებელი ან/და მიწოდებული საქონლის მოცულობის, ხარისხისა და მიწოდების ვადების ხელშეკრულების მოთხოვნებთან შესაბამისობის დადგენა და ხელშეკრულების პირობების შესრულების კონტროლი განხორციელდება პერიოდულად, როგორც საქონლის მიწოდების დროს, ისე ამ ხელშეკრულების მოქმედების მთელი პერიოდის განმავლობაში შემსყიდველის მოთხოვნათა შესაბამისად.
- 6.2. *საქონლის ტექნიკურ დათვალიერებასა და ხელშეკრულების პირობების შესრულების კონტროლს უზრუნველყოფს სსიპ - საქართველოს ოპერატიულ-ტექნიკური სააგენტოს ადმინისტრაციული და ფინანსური უზრუნველყოფის მთავარი სამმართველოს საფინანსო - სამეურნეო უზრუნველყოფის სამმართველოს ლოჯისტიკის განყოფილების მთავარი სპეციალისტი ოთარ ფარქოსაძე, ხოლო საქონლის მიღება-ჩაბარების აქტის გაფორმებას უზრუნველყოფს ამავე განყოფილების სასაწყობო ქვეგანყოფილების შესაბამისი უფლებამოსილების მქონე პირი.*
- 6.3. შემსყიდველის შესაბამისი წარმომადგენელი (წარმომადგენლები, მოწვეული ექსპერტი) უფლებამოსილია ჩაატაროს ხარისხის კონტროლი. წუნდებული საქონლის აღმოჩენის შემთხვევაში, მიმწოდებელი ვალდებულია წერილობითი შეტყობინებიდან **5 (ხუთი)** დღის განმავლობაში გამოასწოროს წუნი. ობიექტური მიზეზით წუნის გამოსწორების შეუძლებლობისა და შემსყიდველის მიერ მიწოდებული საქონლის ღირებულების დროული ანგარიშსწორების შემთხვევაში, მიმწოდებელი ვალდებულია დაუბრუნოს შემსყიდველს აღნიშნული საქონლის ღირებულება.
- 6.4. თუ ამ მუხლის 6.3. პუნქტით გათვალისწინებული წუნის გამოსწორების ვადა სცილდება ხელშეკრულების მოქმედების ვადას, მიმწოდებლის მიერ წუნის გამოსწორება, ხოლო წუნის გამოსწორების შეუძლებლობის შემთხვევაში თანხის დაბრუნება უნდა განხორციელდეს ხელშეკრულების მოქმედების ვადის გასვლამდე.
- 6.5. შემსყიდველი უფლებამოსილია განაცხადოს უარი უხარისხო (წუნდებული), საქონლის თანხლები აუცილებელი დოკუმენტაციის გარეშე ან დაგვიანებით მიწოდებული საქონლის ნაწილის ან მთლიანი მოცულობის მიღებაზე.
- 6.6. საქონლის მიღება წარმოებს მიღება-ჩაბარების აქტის სახით. მიღება-ჩაბარების აქტი ფორმდება წერილობითი ფორმით, მხარეთა უფლებამოსილი წარმომადგენლების ხელმოწერით.
- 6.7. ამ მუხლის 6.2 პუნქტში მითითებული პირის მიერ მიღება-ჩაბარების აქტის ხელმოწერით, საქონლის მიღებასთან ერთად დასტურდება ხელშეკრულების შესრულების კონტროლის განხორციელება.
- 6.8. იმ შემთხვევაში, თუ მიღება-ჩაბარების აქტის გაფორმების დღე ემთხვევა არასამუშაო დღეს, მაშინ მიღება-ჩაბარების აქტის გაფორმება შესაძლებელია განხორციელდეს მომდევნო სამუშაო დღეს. აღნიშნული არ ჩაითვლება მიმწოდებლის მხრიდან ვადის გადაცილებად.

7. ანგარიშსწორება

7.1. ანგარიშსწორება განხორციელდება შემდეგი პირობებით:

- ა) ანგარიშსწორების ვალუტა - ლარი;
- ბ) ანგარიშსწორების ფორმა - უნაღდო, წინამდებარე ხელშეკრულებაში მითითებული მიმწოდებლის საბანკო რეკვიზიტების შესაბამისად.

7.2. შემსყიდველი იღებს ვალდებულებას გადაუხადოს მიმწოდებელს მიღებული საქონლის ღირებულება მიღება-ჩაბარების აქტის გაფორმებიდან და თანმდევი დოკუმენტაციის (საგადასახადო ანგარიშ-ფაქტურა, სასაქონლო ზედნადების) გამოწერიდან/წარმოდგენიდან **10 (ათი)** სამუშაო დღის განმავლობაში, ხოლო იმ შემთხვევაში თუ მიმწოდებლის მიმართ გამოყენებული იქნება მე-9 მუხლით განსაზღვრული საჯარიმო სანქციები, მიმწოდებლის მიერ აღნიშნული საჯარიმო თანხის გადახდიდან **10 (ათი)** სამუშაო დღის განმავლობაში.

8. ხელშეკრულების შესრულების შეფერხება

- 8.1. ხელშეკრულების შესრულების პროცესში იმ ხელისშემშლელი გარემოებების გამოვლენისას, რომელთა გამო ფერხდება ხელშეკრულების პირობების შესრულება, მხარეები დაუყოვნებლივ ატყობინებენ ერთმანეთს წერილობით შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღები მხარე ვალდებულია შეძლებისდაგვარად მოკლე დროში აცნობოს მეორე მხარეს მის მიერ მიღებული გადაწყვეტილება აღნიშნულ გარემოებებთან დაკავშირებით.
- 8.2. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილების შეტანის გზით, ხელშეკრულების მე-10 მუხლის შესაბამისად.

9. ხელშეკრულების პირობების შეუსრულებლობა

- 9.1. წინამდებარე ხელშეკრულების 2.2 პუნქტით გათვალისწინებული **დანართი N1-ით განსაზღვრული** საქონლის მიწოდების ვადების გადაცილების შემთხვევაში ან 6.3 პუნქტით განსაზღვრული პირობების დარღვევისას, მიმწოდებელს ეკისრება პირგასამტეხლო, შესაბამისად ყოველ ვადაგადაცილებულ დღეზე მიუწოდებელი ან/და წუნდებული საქონლის ღირებულების **0.02%-ის** ოდენობით;
- 9.2. იმ შემთხვევაში თუ 9.1 პუნქტით გათვალისწინებული დარღვევებისათვის ვადაგადაცილებული დღეების რაოდენობა გადააჭარბებს 30 კალენდარულ დღეს, შემსყიდველი უფლებამოსილია მიმწოდებელს დააკისროს პირგასამტეხლო ხელშეკრულების ღირებულების **5%-ის** ოდენობით.
- 9.3. პირგასამტეხლოს გადახდა არ ათავისუფლებს მიმწოდებელს ძირითადი ვალდებულებების შესრულებისაგან.
- 9.4. შემსყიდველი უფლებამოსილია, მიმწოდებლის მხრიდან ხელშეკრულებით ნაკისრი ვალდებულებების შეუსრულებლობის, სრულად შეუსრულებლობის ან ნაკისრ ვალდებულებებზე უარის თქმის შემთხვევაში, მიმწოდებელს დააკისროს ჯარიმა **ხელშეკრულების ღირებულების 5%-ის ოდენობით**.

10. ხელშეკრულებაში ცვლილებების შეტანა

- 10.1. ნებისმიერი ცვლილება წინამდებარე ხელშეკრულებაში განხორციელდება წერილობით, ორივე მხარის უფლებამოსილი წარმომადგენლების მიერ დადასტურებული ხელმოწერით.
- 10.2. წინასწარ გაუთვალისწინებელი მიზეზების გამო, ხელშეკრულების პირობების შეცვლის აუცილებლობის წარმოშობისას, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია.

11. დავების გადაწყვეტა

- 11.1. ხელშეკრულების შესრულების პროცესში მხარეთა შორის წარმოქმნილი უთანხმოება წყდება მოლაპარაკების გზით.
- 11.2. თუ მოლაპარაკების დაწყებიდან **5 (ხუთი)** დღის განმავლობაში შემსყიდველი და მიმწოდებელი ვერ შეძლებენ სადაო საკითხის შეთანხმებით გადაწყვეტაზე, ნებისმიერ მხარეს დავის გადაწყვეტის მიზნით შეუძლია დადგენილი წესით მიმართოს სასამართლოს.

12. ხელშეკრულების შეწყვეტა

- 12.1. შემსყიდველი უფლებამოსილია ხელშეკრულების ნებისმიერ ეტაპზე ან/და საქართველოს კანონმდებლობით დადგენილ სხვა შემთხვევებში, მთლიანად ან ნაწილობრივ შეწყვიტოს წინამდებარე ხელშეკრულება, თუ მიმწოდებელი ვერ უზრუნველყოფს წინამდებარე ხელშეკრულებით გათვალისწინებული ვალდებულებების შესრულებას და გამოიყენოს 9.4 პუნქტით გათვალისწინებული საჯარიმო სანქცია. აღნიშნულის შესახებ შემსყიდველი წერილობით აცნობებს მიმწოდებელს.
- 12.2. შემსყიდველის მიერ ხელშეკრულების ცალმხრივად შეწყვეტის შემთხვევაში შემსყიდველი პასუხს არ აგებს ხელშეკრულების შეწყვეტის შედეგად გამოწვეული ზიანისათვის, გარდა საქართველოს კანონმდებლობით დადგენილი შემთხვევებისა.
- 12.3. ხელშეკრულება შეიძლება შეწყდეს მხარეთა წერილობითი შეთანხმების საფუძველზე.
- 12.4. ხელშეკრულების ცალკეული პირობების მოქმედების შეწყვეტა არ ათავისუფლებს მიმწოდებელს ხელშეკრულებით განსაზღვრული ვალდებულებების შესრულებისგან.

13. ხელშეკრულების მოქმედების ვადა

- 13.1. წინამდებარე ხელშეკრულება ძალაში შედის ხელშეკრულების გაფორმებიდან და მოქმედებს **2020 წლის 31 დეკემბრის ჩათვლით**.

14. ფორს-მაჟორი

- 14.1. წინამდებარე ხელშეკრულების დამდები რომელიმე მხარის მიერ ხელშეკრულების პირობების შეუსრულებლობა არ გამოიწვევს საჯარიმო სანქციების გამოყენებას, თუ ხელშეკრულების შესრულების შეფერხება ან მისი ვალდებულებების შეუსრულებლობა გამოწვეულია ფორს-მაჟორული მდგომარეობით.
- 14.2. წინამდებარე ხელშეკრულებისთვის „ფორს-მაჟორი“ ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებულნი შემსყიდველის ან/და მიმწოდებლის შეცდომებსა და დაუდევრობასთან და რომლებსაც გააჩნიათ წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნეს ომით ან სტიქიური მოვლენებით, ეპიდემიით, კარანტინით, საქონლის მიწოდებაზე ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 14.3. მხარემ, რომელსაც შეექმნა ფორს-მაჟორული გარემოება, ვალდებულია დაუყოვნებლივ აცნობოს მეორე მხარეს წერილობით შექმნილი გარემოების და მისი სავარაუდო აღმოფხვრის ვადის შესახებ, წინააღმდეგ შემთხვევაში იგი არ თავისუფლდება ხელშეკრულების პირობების სრული ან ნაწილობრივი შეუსრულებლობით გამოწვეული პასუხისმგებლობისგან.

15. სხვა პირობები

- 15.1. ხელშეკრულება შედგენილია ქართულ ენაზე და დამოწმებულია ელექტრონულად.

16. მხარეთა რეკვიზიტები

შემსყიდველი

სსიპ - საქართველოს ოპერატიულ-ტექნიკური
სააგენტო
მის: ქ. თბილისი, ვაჟა-ფშაველას გამზ. N72
ტელეფონი: 2 41 25 37
საბანკო რეკვიზიტები:
სახელმწიფო ხაზინა, კოდი TRESGE22
ს/კ: 205 339 141

მიმწოდებელი

შ.პ.ს. „ჯეო ტერი“
იურ. მის: ქ. თბილისი, აღმაშენებლის ხეივანი, №95,
არასაცხოვრებელი ფართი №01
ტელეფონი: 591505054
საბანკო რეკვიზიტები:
ა/ა: GE16PC0133600100062021
ს.ს. „პროკრედიტ ბანკი“; ბ/კ: MIBGGE22
ს/კ: 425359989

სსიპ - საქართველოს ოპერატიულ-
ტექნიკური სააგენტოს უფროსის
პირველი მოადგილე

შ.პ.ს. „ჯეო ტერის“
დირექტორი

ბაკური ელისაშვილი

შალვა ასლამაზაშვილი

დანართი N1

ფასების ცხრილი

N	საქონლის დასახელება	ტექნიკური მახასიათებლები	CPV კოდი	განზ. ერთეული	რაოდენობა	ერთეულის ღირებულება (ლარი)	ჯამური ღირებულება (ლარი)	საგარანტიო ვადა (მიღება- ჩაბარების აქტის გაფორმებიდან)
1	პერსონალური კომპიუტერი	ქეისი ATX Mid Tower Case, მინიმუმ 2Xusb2,0; 1Xusb,3,0, 1Xmic; 1Xaudio port 2Xfan controlers, 2 ცალი დამატებითი ქულერით, DVD RW ჩაყენების შესაძლებლობა <u>Thermaltake Technology Co., Ltd (Thermaltake) / Thermaltake Versa C21 RGB (CA-1G8-00M1WN-00)</u> დედა დაფა, H310 მოდიფიკაციის 1 x PS/2 keyboardport1 xPS/2 mouse port 2 x USB 3.1 Gen 1 (up to 5Gbps) ports (Type-A, blue) 2 xUSB 2.0/1.1 ports1 x HDMI port1 x DSub port1 x DVID port1 x LAN (RJ45) port3 x Audio jacks support 8-channelaudio x USB 2.0/1.1 connectorssupport additional 4 USB 2.0/1.1 ports 4 x SATA 6.0Gb/s connectors1 x 4-pin CPU Fan connector for 4-pin PWM model x 4-pin Chassis Fan connector for 4-pin PWM model x COM connector 1 x Front panel audio connector (AAFP)1 x LPT header1 x Speaker connector1 x Chassis Intrusion header1 x 24-pin EATX Power connector1 x 4-pin ATX 12V Power connector1 x 14-1 pin TPM header1 x System panel connector1 x Clear CMOS jumper (2-pin). / <u>ASUSTeK Computer Inc. (ASUS) / PRIME H310M-R R2.0</u> პროცესორი 8თაობის i7, cores 6 theads 12; 3,2-4,6ghz, 12 MB SmartCache შესაბამისი გაგრილებით <u>Intel Corporation (Intel) / Core i7-8700; Dongguan Yanghai Induatrial Co., Ltd. (Yanghai) / YH-13-2</u> ოპერატიული მეხსიერება 16GB ddr4 (2 ცალი 8Gb, 2400mhz) <u>SK hynix Inc. (SK Hynix) / HMA81GU6AFR8 N-UH</u> მყარი დისკი 1Tb 7200RPM, 64MB ბუფერი. <u>Seagate Technology LLC (Seagate) / Barracuda ST1000DM010</u> DVD-RW დისკჩამწერი შიდა. <u>ASUSTeK Computer Inc. (ASUS) / DRW-24D5MT</u> ვიდეო დაფა - 2Gb, OC Mode - GPU Boost Clock : 1506 MHz , GPU Base Clock : 1266 MHz Gaming Mode (Default) - GPU Boost Clock : 1468 MHz , GPU Base Clock : 1228 MHz , cuda core 384, momory clock 6008 MHz DVI Output : Yes x 1 (Native) (DVI-D) HDMI Output : Yes x 1 (Native) HDCP Support: Yes. <u>ASUSTeK Computer Inc. (ASUS) / GT1030-SL-2GBRK</u> კვების ბლოკი 600va - რეალური 80+ სერტიფიცირებით, OVP (over voltage protection) UVP (under voltage protection) SCP (short circuit protection) OPP (over power protection) fan cooling Hydro Bearing, fan size 120mm Max. combined power 12V (W) 480. <u>Xilence / XN053 XP600R7</u>	30213000	ცალი	2	2,252.00	4,504.00	1 (ერთი) წელი

2	მონიტორი	Full HD 32 დუიმიანი ინტერფეისი: განათება: LED 16:9 USB HDMI: 2 AV Composite In RF IN: 1 Component In (Y / Pb / Pr): 1 CI Interface: 1 Dolby Digital Plus 2X5W ტიუნერის ტიპი: 2 ტიუნერი (ციფრული + ანალოგური). <u>Samsung Electronics (Samsung) / 32" FHD Smart TV T5300 Series 5 UE32T5300AUXR U</u>	30230000	ცალი	2	964.00	1,928.00	1 (ერთი) წელი
3	DVD-R დისკების ჩამწერი გარე მოწყობილობა	გარე CD/DVD-RW USB Drive USB 3,0 (DVD-R დისკების ჩამწერი გარე მოწყობილობა.) წონა 310 გრამი, თავსებადი, კაბელის სიგრძე 25 სმ, ჩაშენებული კაბელი. USB 3.0 transmission standard, backward compatible with USB 2.0, data transmission speed stability, up to a maximum of 5Gbps. <u>Shenzhen Vision Technology Co., Ltd. (Vision) / sy-lax03</u>	30233151	ცალი	4	52.00	208.00	6 (ექვსი) თვე
4	USB Hub	7 პორტიანი. <u>Shenzhen Abligogo Technology Co., Ltd. (Abligogo) / ABLI-HUB2701</u>	30236000	ცალი	3	14.00	42.00	-
5	ოპერატიული მეხსიერება	DDR4 SDRAM 4GB. <u>SK hynix Inc. (SK Hynix) / HMA851U6CJR6 N-VK</u>	30236110	ცალი	20	48.00	960.00	1 (ერთი) წელი
6	IDE-SATA-USB HDD გადამყვანი	IDE-SATA-USB HDD გადამყვანი. <u>Shenyang Quan Wei Trading Co., Ltd. (QW) / QW42394</u>	30237000	ცალი	2	27.50	55.00	-
7	კომპიუტერის ქსელის ბარათი	კონექტორი RJ45, სიჩქარე 10/100/1000 Mbps, სლოტი PCI-e. <u>Shenzhen Diewu Technology Co., Ltd. (Diewu) / TXA065</u>	30237135	ცალი	9	14.00	126.00	6 (ექვსი) თვე
8	მეხსიერების ბარათების უნივერსალური წამკითხველი	Card reader. <u>Shenzhen Good & Easy Technology Co., Limited (Good&Easy) / GE-3530</u>	30233000	ცალი	10	16.00	160.00	6 (ექვსი) თვე
9	SSD	1TB. <u>Patriot Memory (Patriot) / P210 1TB P210S1TB25</u>	30233132	ცალი	10	336.00	3,360.00	1 (ერთი) წელი
10	გარე ვინჩესტერი	4 TB. <u>Intenso International GmbH (Intenso) / 6021512</u>	30233132	ცალი	6	341.00	2,046.00	1 (ერთი) წელი
11	გარე ვინჩესტერი	2TB. <u>Seagate Technology LLC (Seagate) / STJL2000400</u>	30233132	ცალი	10	232.00	2,320.00	1 (ერთი) წელი
12	გარე ვინჩესტერი	1TB. <u>Seagate Technology LLC (Seagate) / STJL1000400</u>	30233132	ცალი	15	166.00	2,490.00	1 (ერთი) წელი
ჯამური ღირებულება:							18,199.00	

მიწოდების ვადა: ხელშეკრულების გაფორმებიდან 30 (ოცდაათი) კალენდარული დღე;

მიწოდების ადგილი: ქ. თბილისი, ვაჟა-ფშაველას გამზ. N72